



25 мамыр, сейсенбі 2021 жыл

e-mail: syrboyi@yandex.kz / www.syrboyi.kz



www.facebook.com/syrboyi.kz/



www.instagram.com/syrboyi_kz



https://twitter.com/syrboyi



t.me/syrboyi_kz

6 Жастар театрының жаңа қойылымы



7 Ақиқат айнымайды



8 Ерекше сұхбат



● МЕМЛЕКЕТТІК МӘСЕЛЕ

Табиғи, экономикалық және өзге де себептерге байланысты Сырдария өзенінде кейінгі жылдары су тапшылығы өзекті болып тұр. Әсіресе, дарияның төменгі ағысындағы Қазақстан үшін мәселе күрделене түсті. Аталған түйткілді шешу бағытында еліміздің Үкіметі және облыс басшылығы тарапынан тиісті іс-шаралар қолға алынып отыр. Сенбі күні облыс әкімдігінде өткен су тапшылығы жағдайында егістікті сумен қамтамасыз ету мәселесіне арналған селекторлық мәжілісте бұл мәселе кеңінен талқыланды. Оған облыс әкімі Гүлшара Әбдіқалықова, ҚР Экология, геология және табиғи ресурстар вице-министрі Серік Қожаниязов қатысты.

Сб Әділжан ҰМБЕТ, «Сыр бойы»

ӘР ТАМШЫ СУДЫҢ СҰРАУЫ СЕЗІЛДІ

Мәжіліс барысында аймақ басшысы Сырдарияның төменгі ағысында вегетациялық кезең күрделі су тапшылығы жағдайында өтіп жатқандығына тоқталды. Әсіресе, бұл өңір диқандарының күріш егу және оны суға бастыру кезеңіне сәйкес келіп, оған қатысты мәселе қиын жағдайда екендігін айтты. Қазір Сырдария өзенінің бастапқы бөлігі саналатын қырғыз жеріндегі Нарын аймағында табиғи құбылыстарға байланысты су өткен жылдан 2 млрд текше метрге аз. Ол еліміздегі «Шардара» су қоймасына жоғары бөліктен түсетін су мөлшерін азайтты.

– Биыл облыс бойынша 188,2 мың гектарға ауыл шаруашылығы дақылдарын орналастыру жоспарланған. Айта кетейік, мол суды қажет ететін күріш егісінің көлемі былтырғыдан 5,1 мың гектарға қысқартылып, 84,4 мың гектарға егу межелеңді. Су мәселесіне байланысты күріш егу және оны суға бастыру жағдайы қиын тиіп тұр. Былтыр дәл осы кезеңмен салыстырғанда күріш егу 5,1 мың гектарға және суға бастыру 7,4 мың гектарға артта келеді. Бұл түйткілді шешу мақсатында тиісті іс-шаралар қолға алынды. Осыған байланысты Су ресурстары комитеті мен облыс әкімдігі тарапынан вегетациялық кезеңде су тапшылығының алдын алу бойынша атқарылатын бірлескен жұмыс жоспары бекітілген. Каналдар арқылы су алу режимінің кестеге сай орындалуына мониторинг жүргізіледі. Осы мақсатта жұмысшы тобы құрылған, – деді облыс әкімі.

САПАЛЫҚ БАҚЫЛАУ БОСАҢСЫМАУЫ ТИІС



Суретті түсірген Н.НУРЖАУБАЙ.

Кеше облыс әкімі Гүлшара Әбдіқалықова Қызылорда қаласындағы бірқатар нысандарды аралады. Алдымен аймақ басшысы Тасбөгет кентіндегі Бас тоған су алу нысанында болды.

Қазіргі таңда Қызылорда қаласына тәулігіне 83 мың текше метр ауызсу 74 бірлік «Қызылжарма» жерасты ауызсу ұңғымасынан өндіріліп, тұтынушыларға таратылуда.

Мұнда «Степь», «Арай» және «Бас тоған» су алу құрылымындағы ауыз су ұңғымаларынан таза су резервуарларына жиналып, II су көтеру насос станциясынан 4 магистральды құбыр арқылы қалаға жіберіледі.

Ауызсу сапасы күнделікті кәсіпорынның базалық зертхана мамандарымен әр 30-60 минут аралығында сараптамаға алынып, қадағаланады. Қалалық орталық ауызсу жүйелеріндегі 19 нүктеден күнделікті бактериологиялық және химиялық сынақтар алынып, сараптама жасалады.

– Қазіргі уақытта қаланың бірқатар шағын аудан тұрғындарынан су сапасына қатысты сын айтылуда. Судың қысымы жоғары қабаттарда орналасқан пәтерлерге көтерілмейді деген шағымдар да бар. Осы мәселелерді шешу үшін қажетті жұмыстарды жүргізіп, қатаң бақылауға алыңыздар, – деді облыс әкімі.

Мұнан кейін облыс басшысы сол жағалауда «УАД» ЖШС құрылысын жүргізіп жатқан және Бейбарыс Сұлтан көшесіндегі көпірден шығатын жалпы қалалық маңызы бар магистральды көшелердің құрылыс жұмысын көрді. Құрылыс жобасының құны – 3 391,8 млн теңге. 2017 жылы басталған жұмыс быыл бітеді деген жоспар бар. Көшенің жалпы ұзындығы – 8,4 шақырым.

Ал Бейбарыс Сұлтан көшесіндегі көпірден бастау алатын магистральды

көше құрылысының жобасы 1 272,7 млн теңге. Ұзындығы – 2 шақырым.

Сондай-ақ, аймақ басшысы Қарауылтөбе ауылына барып, Б. Жақаев атындағы Қазақ күріш ғылыми-зерттеу институтының тәжірибелік егін алқабында болды.

Ғылыми-зерттеу институтының жалпы жер көлемі – 8750 гектар. Бұл жерде жаздық, күздік бидай, арпа, сұлы, кант құмайы, жоңышқа егіледі.

Сонымен қатар Қарауылтөбе ауылдық округіндегі ғылыми-зерттеу институты жерінен Қызылорда қаласының тұрғындарына қала және ауыл тұрғындарына қолдау мақсатында су тартатын насос құрылғысы алынған.

Айту керек, егістік жер көкініс және бақша дақылдарын егу мақсатында маусымдық кезеңге уақытша беріледі.

Облыс әкімі су тапшылығына байланысты суды аз қажет ететін дақыл түрлерін көбейтуді тапсырды.

ҚАЗАҚСТАН ТӘУЕЛСІЗДІГІНЕ



Тәуелсіздіктің 30 жылдығы – халқымыздың маңдай терімен жеткен жетістіктерінің рәмізі, сонымен бірге жаңа тарихи сын. Осы уақыт ішінде халықтың еркін санағы қалыптасып, егемен елдің жаңа да жасампаз ұрпағы өсті. Әлемде мәртебелі мемлекет ретінде орнықтық. Әрине, бұл уақыт ішінде мақтануға тұратын, мемлекеттігімізді нығайтып, бүкіл әлемге наш етуге лайықты талай ауқымды істер жасалды. Соның

ішінде Тәуелсіздік алғалы ғана қалыптаса бастаған, қалыптасу жолында қиындықтарды егемендікпен бірге еңсерген саланың бірі – кәсіпкерлік.

Сб Биболат СӨТЖАН, «Сыр бойы»

Кәсіпкерлік: Кеше мен бүгін арасы



● ЕКПЕ АЛ!

«Сары аймақ»: Ережені ескермеудің салдары

Дүйсенбіден бастап өңір коронавирусының эпидемиологиялық ахуалын бағалау матрицасы бойынша «жасыл аймақтан» «сарыға» ауысты.

Сб Айлана ЖУМАДИНОВА, «Сыр бойы»

Кейінгі күндердегі көрсеткіш жағдайдың күрделене бастағанын аңғартты. Сала мамандары былтыр да күн ыстық мезгілде,

әсіресе маусым, шілде айларында аурушандық деңгейі артқанын, биыл да сол қалыптағы динамика барын айтты. Сондықтан

ережені ескермеудің салдары бір жыл бұрынғы ахуалдың қайталануына әкелуі мүмкін.

– Былтыр коронавирус инфекциясы бойынша шілде айында ең жоғары көрсеткіш – 1775 жағдай тіркелген еді. Биыл есепті кезеңдегі ең жоғары көрсеткіш

сәуір айында, яғни 1540 жағдай тіркеліп отыр. Ал мамыр айының 24-не дейін 906 коронавирус жұқтыру дерегі анықталды.

2-бет

● АПЫРАЙ, Ә!

АЛТЫ ШАҚЫРЫМНЫҢ АЗАБЫ

Шиеліге қарасты Еңбекші ауылына баратын 6 шақырым жолдың жыры таусылмай тұр. «Батыс Еуропа-Батыс Қытай» халықаралық көлік дәлізімен түісетін аудандық маңыздағы жолдың сапасы қалайша сын көтермейтін жағдайға жетті?

Иә, Еңбекші, одан әрі Қосүйенкіге баратын жолмен жүру тым қиын. Ең басты себеп – мұнда ауыр жүк таситын көліктер қозғалысының көптігі.

Қаратаудан қиыршық тас таситын ауыр жүк көліктері мен уран өндірісінің техникалары аудандық маңыздағы автожолдың әбден тозығын шығарған.



4-бет

